



Prishtinë, 13 qershor 2018
Kodi i ZRRE-së: V_984_2018

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, nenin 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-084);
- Nenin 14 paragrafi 6 dhe 7 të Rregullës për Procedurën e Autorizimit për Ndërtimin e Kapaciteteve të reja;
- Vendimin mbi Njoftimin për Autorizimin Preliminar V_918_2017 të datës 10 maj 2017 të lëshuar shoqërisë "Puna" Sh.p.k., me të cilën ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Radesha 2 në Lokacionin ZK Dragash, me kapacitet të instaluar prej 1.71 MW, Komuna e Dragashit, Republika e Kosovës, dhe
- Kërkesën për vazhdimin e afatit të vlefshmërisë të Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Radesha 2 në Lokacionin ZK Dragash, me kapacitet të instaluar prej 1.71 MW, Komuna e Dragashit, të datës 07.05.2018, të shoqërisë "Puna" Sh.p.k., me adresë: fshati "Brut" Dragash, Republika e Kosovës,

në seancën e mbajtur me datë 13 qershor 2018 nxori këtë:

V E N D I M

- I. **APROVOHET** kërkesa e shoqërisë "Puna" Sh.p.k., dhe **SHTYHET** afati i vlefshmërisë së Vendimit mbi Njoftimin për Autorizimin Preliminar V_918_2017 i datës 10 maj 2017, për kompletimin e aplikacionit për marrjen e Autorizimit Final, për ndërtimin e Hidrocentralit në Lokacionin HC Radesha 2 në Lokacionin ZK Dragash, me kapacitet të instaluar prej 1.71 MW, Komuna e Dragashit, edhe për një afat gjashtë (6) mujor, gjegjësisht **deri me 10 nëntor 2018**.
- II. Shoqëria "Puna" Sh.p.k., obligohet që brenda këtij afati të bëjë kërkesë me shkrim për shndërrimin e Vendimit mbi Njoftimin Preliminar në Autorizim Final për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Radesha 2 në Lokacionin ZK Dragash, me kapacitet të instaluar prej 1.71 MW, Komuna e Dragashit, gjegjësisht deri me datën **10 nëntor 2018** duke i plotësuar të gjitha kushtet e përcaktuara me Rregullën e Procedurës së Autorizimit për ndërtimin e kapaciteteve të reja dhe legjislacionin në fuqi.
- III. Pas skadimit të afatit të cekur në pikën I. të dispozitivit, Vendimi V_918_2017 i datës 10 maj 2017 mbi Njoftimin për Autorizimin Preliminar, do të shfugizohet në mënyrë automatike, dhe nuk do të shqyrtohet nga Bordi i ZRRE-së.



Arsyetim

- ZRRE, me datë 28.02.2017 nga shoqëria “Puna” Sh.p.k., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhimin e energjisë elektrike Hidrocentrali HC Radesha 2 në Lokacionin ZK Dragash, me kapacitet të instaluar prej 1.71 MW, Komuna e Dragashit, Republika e Kosovës.
- ZRRE pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga Hidrocentrali, me datë 10 maj 2017 ka lëshuar Vendimin mbi Njoftimin për Autorizimin Preliminar V_918_2017, dhe ka udhëzuar aplikuesin që t'i plotësoj kërkesat tjera ligjore që kërkohen me legjislacionin në fuqi në Republikën e Kosovës.
- Vendim mbi Njoftimin për Autorizimin Preliminar V_918_2017, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- Njoftimi mbi Vendimin për Autorizimin Preliminar ka përcaktuar disponueshmërinë e caqeve si dhe pranimin e aplikuesit në skemën mbështetëse dhe garantimin automatik të tarifës nxitëse.
- Njoftimi mbi Vendimin për Autorizimin Preliminar ka përcaktuar se aplikuesit i garantohet lidhja e Marrëveshjes për Shitblerje të Energjisë Elektrike me Furnizuesit Publik në kohëzgjatje 10 vjeçare, e cila do të lidhet së paku (30) ditësh para datës së fillimit të operimit gjenerues.
- Vendimi mbi Njoftimin për Autorizimin Preliminar, është lëshuar në afat (1) një vjeçar, dhe në këtë vendim është përcaktuar se shoqërisë “Puna” Sh.p.k., do t'i jepet Autorizimi për ndërtim, nëse brenda këtij afati do të bëjë një kërkesë me shkrim për shndërrimin e Vendimit mbi Njoftimin Preliminar në Autorizim Final duke i plotësuar të gjitha kushtet e përcaktuara me Rregullën e Procedurës së autorizimit për ndërtimin e kapaciteteve të reja dhe legjislacionin në fuqi.
- Aplikuesi “Puna” Sh.p.k., me datë 07.05.2018 ka parashtruar kërkesën për shtyrje të afatit të vlefshmërisë së Vendimit mbi Njoftimin për Autorizimin Preliminar, dhe në kërkesën e saj ka sqaruar se: *arsyeja e vazhdimit të vendimit mbi njoftimin për autorizimin preliminar është se procedurat për kompletimin e dokumenteve të kërkuara për marrje të autorizimit, vonesat për lëshimin e lejeve/pëlqimeve përkatëse nga organet gjegjëse, ku edhe proceset e ndryshme politike po ndikojnë në zvarritjen e gjatë kohore e cila po ndikon edhe në skadimin e dokumenteve ekzistuese dhe po shkaktohen probleme në dokumente përkatëse. Ka arsyetuar se kanë aplikuar për Pëlqim ujo dhe Pëlqim Elektroenergjetik dhe janë në proces të kompletimit të dokumenteve për aplikim për Leje të Ndërtimit.*
- Andaj bazuar në ato që u cekën më lartë kanë kërkuar që të shtyhet afati i vlefshmërisë së Vendimit për Autorizimin Preliminar edhe për gjashtë (6) për kompletimin e dokumentacionit të kërkuar për marrje të autorizimit.
- Bordi i ZRRE-së, pas analizimit të kërkesës së shoqërisë “Puna” Sh.p.k., për shtyrje të afatit të vlefshmërisë të Vendimit mbi Njoftimin për Autorizimin Preliminar, ka vlerësuar atë dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.

IV. Vendimi nxirret dhe publikohet në gjuhët zyrtare në Republikën e Kosovës.



V. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:

Arsim Janova, u.d. Kryesues

Besim Sejfiqaj, anëtar

Selman Hoti, anëtar

Izet Rushiti, anëtar

Vendimi iu dërgohet:

- Palës,
- Komunës së Dragashit,
- Sekretarit të Përgjithshëm të MMPH-së, dhe
- Arkivit të ZRRE-së.